



Inatsisartunut ilaasortaq Emanuel Nûko, Naleraq

Inatsisartut Allattoqarfiat

/Maani

02-02-2022

**Tusass A/S-mut atermik allanngortitsinermut pisiortorfinnik atuineq
pillugu § 37 naapertorlugu apeqqummut nr. 2022/19-mut akissut.**

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Emanuel Nûko,

Ingerlatseqatigiiffinnut Namminersorlutik Oqartussanit pigineqartut ilaannut
ataatsimut ingerlatsinermut suliassaqarfik pillugu Inatsisartut suleriaasianni § 37
naapertorlugu Naalakkersuisunut apeqquteqarputit. Apeqqutigisatit uannit
akisassangortinnejarsimapput.

Ingerlatsinermut suliassaqarfik pillugu apeqqutit tamarmik Tusass A/S-p
aqutsisuisa ataaniimmmata, ingerlatseqatigiiffiup aqutsisuinit akissutit
piniarneqarput.

Apeqqutigineqartut ima oqaasertaqarput:

**1. Telepostip taaguutaata Tusassimut allanngortinnejarsineranut
atatillugu ilusilersuinikkut suliassat Kalaallit Nunaanni
suliariinnittussarsiuunnejarsipat?**

Matumani § 37 naapertorlugu apeqqutigineqartut akiniarneranni tassunga
atugassanik Tusass A/S-imit akissutissanik pissarsiniartoqarsimavoq,
imaattunillu akissuteqarpoq:

Akissut: "Tusass tassunga akisinnaavoq, suliariumannittussarsiuussineq
ingerlannejarsimanngitsoq."

a. Suliffeqarfip sorliup suliassaq pissarsiaraa?

Akissut: "Tusassimi aqutsisut naliliisimapput avataaniit immikkut ilisimasaqartunik sullisisunillu pisinissaq pisariaqartoq. Taaguutip allanngortinneranit aningaasartuutinit tamakkiisuniit 3,8 mio.kr.-usunit tassunga katillugit 3,6 mio. kr.-t aningaasartuutigineqarsimapput. Suliffeqarfimmut Sendistovanimit Savalimmiuunerumut avammut paasisitsiniaanermik suliaqartartumut aningaasartuutit pingaartumik atorneqarsimapput ilaatigut suliassanik assingusunik misilittagagaqarnera aallaavigalugu aqutsisunit toqqarneqarsimavoq."

2. Naqiterinermi suliassat, tassani illup silataani allagartarsuit, bilini ilisarnaatit, paasissutissiinermik atortussiat, atuagaq paasissutissiinermik imalik il.il., Kalaallit Nunaanni suliariumannittussarsiuunneqarpat?

Matumani § 37 naapertorlugu apeqqutigineqartut akiniarneranni tassunga atugassanik Tusass A/S-imit akissutissanik pissarsiniartoqarsimavoq, imaattunillu akissuteqarpoq:

Akissut: "Tusassimi aqutsisut paasissutissiisinnapput suliariumannittussarsiuussineq ingerlanneqarsimanngitsoq.."

- a. Suliffeqarfiup sorliup suliassaq pissarsiaraa?

Akissut: "Sendistovanimit tunniussami suliassaq ilaatigut ilaannunneqarpoq. Taamaattoq allagartat, assilassat ilisarnaatit il. il. nivinngarneqarnerini suliap annertunersaani najukkami suliffeqarfik atorneqarpoq."

3. Sulisut sullisaasa taarsernissaat Kalaallit Nunaanni suliariumannittussarsiuunneqarpa ?

Matumani § 37 naapertorlugu apeqqutigineqartut akiniarneranni tassunga atugassanik Tusass A/S-imit akissutissanik pissarsiniartoqarsimavoq, imaattunillu akissuteqarpoq:

Akissut: "Tusassimi sulisut atisaat sulisut atisaannik Tusassip aalajangersimasumik pisiortorfianit atisanut ilisarnaatilinnut taakkununngalu atasunik inniminniisarfik il. il siusinnerusukkut soleqatigiinnermik pilersinneqartumit pisiarineqarput.

Taamaattorli sulisunut tamanut Tusass kavaajamik pisiortorfik alla aqqutigalugu pisiniarneq ingerlanneqarpoq. Nioqquqtiisanut misiligutit arlallit

misissuataareernerisigut taanna toqqarneqarpoq, tassanilu pitsasuseq, akit il.il. inaarutaasumik naliliinermi ilaapput.

a. Suliffeqarfiup sorliup suliassaq pissarsiaraa?

Akissut: *"Tusassip atisanut ilisarnaatilinnut aalangersimasumik pisiortorfii ilaatigut Danmarkimi Kalaallillu Nunaanni allaffeqarput. Tusass kavaajanut pisiortorfik Kalaallit Nunaaniinnaq aallaveqarpoq."*

4. Sulisut sullisaasa taarserneqarnerat qanoq akeqarpa?

Matumani § 37 naapertorlugu apeqqtigineqartut akiniarneranni tassunga atugassanik Tusass A/S-imit akissutissanik pissarsiniartoqarsimavoq, imaattunillu akissuteqarpoq:

Akissut: *"Tassunga Tusass paasissutissiisinnaavoq, sulisut atisaanut aningaasartuutit pisarnertut nalinginnaasumik aningaasartuutigineqartut. Soorlu siusinnerusukkut § 37-mut akissummi allaaserineqartoq tassunnga Tusass "ileqqaagaqarnikuovoq" atisat Tusassimik ilisarnaatilinnik taarsernissaannut immikkut aningaasartuutinik pisariaqanngitsumik kinguneqannginnissaa quakkeerniarlugu.*

Pisiortorfiup niuerfimmi unammilleqatigiinnermut tunngatillugu inissisimanera eqqarsaatigalugu, pisiarinerata katinnera eqqortoq oqaatigineqassanngilaq, kisianni oqaatigineqarsinnaavoq ukiuni marlunni piffissaq qiviaraanni taarsiineq immikkut aningaasartuutinik kinguneqarsimanngilaq.

Aamma taamatut atuuppoq najukkami pisiortortumit Tusass kavaajanik pisineq, taamatut akia pisiortorfimmut unammeqatigiinnermut uuttuutaasutut nalilerneqarpoq tamannalu Tusassip oqaatigerusunngila."

5. Biilit taarsersornissaat suliariumannittussarsiuunneqarpa?

Matumani § 37 naapertorlugu apeqqtigineqartut akiniarneranni tassunga atugassanik Tusass A/S-imit akissutissanik pissarsiniartoqarsimavoq, imaattunillu akissuteqarpoq:

Akissut: *"Tusassip nutaamik tuniniaanermi periusissiamini biilit taarsersimanngilai taamaattumillu neqeroortitsisoqarsimanngilaq. Biilinut atuutereersunut taamaallaat allagartat nipitittakkat taarserneqarput."*

a. Suliffeqarfiup sorliup suliassaq pissarsiaraa?

Matumani § 37 naapertorlugu apeqqutigineqartut akiniarneranni tassunga atugassanik Tusass A/S-imit akissutissanik pissarsiniartoqarsimavoq, imaattunillu akissuteqarpoq:

Akissut: "*Suliassaq najukkami suliffeqarfimmit mikisumit suliarineqarpoq.*"

6. Biilinik taarsersuineq qanoq akeqarpa?

Matumani § 37 naapertorlugu apeqqutigineqartut akiniarneranni tassunga atugassanik Tusass A/S-imit akissutissanik pissarsiniartoqarsimavoq, imaattunillu akissuteqarpoq:

Akissut: "*Siusinnerusukkut apeqqut 5-imi oqaatigineqareersutut Tusassip nutaamik tuniniaanermi periusissiamut atatillugu biilinik taarsiinikuunngilaq.*"

Apeqqummut saqqummiunneqartumut allanik ilassutissaqanngilanga.

Inussiarnersumik inuulluaqqusillunga



Mute Bourup Egede